



**BOSNA I HERCEGOVINA**  
**VIJEĆE MINISTARA**  
*Generalno tajništvo*

Broj: 05-50-1-3736/12  
Sarajevo, 8.5.2013. godine

**BOSNA I HERCEGOVINA**  
**PARLAMENTARNA SKUPŠTINA BOSNE I HERCEGOVINE**  
**SARAJEVO**

09-05-2013

| PRIMLJENO | ORGANIZACIONA JEDINICA | KOMUNIKACIONI Sredstva | Redni broj | Broj priloga |
|-----------|------------------------|------------------------|------------|--------------|
|           | 01-50-1-               | 15-42/12               |            |              |

**PARLAMENTARNA SKUPŠTINA BiH**

*- Zastupnički dom -*

**SARAJEVO**

**PREDMET:** Odgovor na zastupničko pitanje – dostavlja se

Vijeće ministara Bosne i Hercegovine, na 49. sjednici održanoj 8.5.2013. godine, dalo je suglasnost na Odgovor na pitanje koje je postavila Nermina Čemalović, poslanica u Zastupničkom domu Parlamentarne skupštine Bosne i Hercegovine, a kojeg je utvrdilo Ministarstvo civilnih poslova Bosne i Hercegovine.

U privitku prosljeđujemo Odgovor radi njegovog dostavljanja zastupnici.

S poštovanjem,

**GENERALNI TAJNIK**  
*Zvonimir Kutleša*



**BOSNA I HERCEGOVINA  
VIJEĆE MINISTARA**

Broj: 05-50-1-3736/12  
Sarajevo, 8.5.2013. godine

Gđa Nermina Čemalović, poslanik u Predstavničkom domu Parlamentarne skupštine Bosne i Hercegovine, na 43. sjednici Predstavničkog doma, održanoj 28. februara 2013. godine, postavila je sljedeće poslaničko pitanje:

„Molim da mi odgovorite šta je urađeno po Zaključku koji je usvojio Predstavnički dom na 29. sjednici održanoj 7.6.2012. godine a na moj prijedlog? Podsjećam da je u tom zaključku Ministarstvo civilnih poslova BiH zaduženo da razmotri mogućnost regulative u oblasti transplantacije i donatorske mreže u Bosni i Hercegovini i da o tome obavijesti Predstavnički dom“

Imajući u vidu da je poslanik gđa Nermina Čemalović postavila ovo pitanje i na 39. sjednici Predstavničkog doma PS BiH održanoj 18. decembra 2012. godine, podsjećamo da je Ministarstvo civilnih poslova BiH svojim aktom br. 08-07-5-2905-ŠG/12 od 07.03.2013. godine Vijeću ministara putem Generalnog sekretarijata dostavilo prijedlog odgovora na isto.

S tim u vezi, na postavljeno pitanje, Ministarstvo civilnih poslova je utvrdilo sljedeći

**ODGOVOR**

Zakonom o ministarstvima i drugim organima uprave Bosne i Hercegovine ("Službeni glasnik BiH", br.: 5/03, 42/03, 26/04, 42/04, 45/06 i 88/07, 35/09, 59/09 i 103/09), definisana je koordinirajuća uloga Ministarstva civilnih poslova Bosne i Hercegovine u oblasti zdravstva. Prema odredbama stava (2) člana 15. Zakona o ministarstvima i drugim organima uprave Bosne i Hercegovine, Ministarstvo civilnih poslova je nadležno za obavljanje poslova i izvršavanje zadataka koji su u nadležnosti Bosne i Hercegovine i koji se odnose na utvrđivanje osnovnih principa koordiniranja aktivnosti, usklađivanja planova entitetskih tijela vlasti i definisanje strategije na međunarodnom planu, pored ostalog, i u oblasti zdravstva.

Kao i ostali segmenti zdravstva, oblast transplantacije u Bosni i Hercegovini je regulisana na nivou entiteta:

- *Zakon o transplantaciji ljudskih organa (Službeni glasnik Republike Srpske 14/10)* i
- *Zakon o transplantaciji organa i tkiva u svrhu liječenja (Službene novine Federacije BiH 75/09).*

Pored toga, u oba entiteta su doneseni značajni podzakonski akti koji regulišu pojedine segmente transplantacijske medicine.

Imajući u vidu da je ovo treće po redu pitanje zastupnice Parlamentarne skupštine BiH gđe. Nermine Čemalović vezano za regulativu u oblast transplantacije i donatorske mreže u Bosni i Hercegovini, podsjećamo da je u vezi sa istim, kao i sa inicijativom Udruženje građana invalidnih lica - hroničnih bubrežnih bolesnika Zeničko – dobojskog kantona, Ministarstvo civilnih poslova BiH, u skladu sa svojim nadležnostima, tražilo mišljenja nadležnih ministarstava za oblast zdravstva Federacije Bosne i Hercegovine i Republike Srpske, kao i Odjela za zdravstvo i ostale usluge Brčko distrikta BiH.

Svojim aktom broj 02-37-181/13 od 18.01.2013. godine Federalno ministarstvo zdravstva je ukazalo na neophodnost da se aktivnosti vezane za transplantaciju organa i tkiva podignu na nivo države, i s tim u vezi podržalo inicijativu da se na nivou Bosne i Hercegovine donese jedinstveni zakon o transplantaciji organa i tkiva, o čemu su i ranije iznijeli svoj stav na Konferenciji ministara za oblast zdravstva u BiH.

Federalno ministarstvo zdravstva je također informisalo da, kroz direktnu saradnju sa Ministarstvom zdravlja i socijalne skrbi Republike Hrvatske, kao i kroz predstavnika Federalnog ministarstva zdravstva za transplantaciju organa,

aktivno učestvuje u radu Regionalnog razvojnog centra za transplantacijsku medicinu Hrvatska (RHDC) za zemlje jugoistočne Evrope od njegovog osnivanja u februaru 2011. godine. U okviru navedene regionalne mreže do sada je održano pet regionalnih sastanaka i značajan broj stručnih radionica, na kojima su učestvovali predstavnici ministarstava zdravlja zemalja jugoistočne Evrope i medicinski stručnjaci koji su u svojim zemljama uključeni u aktivnosti na polju donacije i transplantacije organa. Značajan je naglasak ovih aktivnosti da je napredak i uspjeh u procesu donacije i transplantacije moguć samo ako se razvije održiva saradnja u jugoistočnoj Evropi.

Odjel za zdravstvo i ostale usluge Brčko distrikta BiH je svojim aktom broj 05-0070BF-02/13 od 16.01.2013. godine dostavio saglasnost i pozdravio inicijativu za donošenje zakona o transplantaciji na nivou Bosne i Hercegovine.

Ministarstvo zdravlja i socijalne zaštite Republike Srpske je svojim aktom broj 11/04-500-13/13 od 01.02.2013. godine informisalo da je Narodna skupština Republike Srpske donijela Zakon o transplantaciji ljudskih organa (Službeni glasnik Republike Srpske 14/10) te da ne može prihvatiti inicijativu za donošenje Zakona o transplantaciji organa na nivou Bosne i Hercegovine.

**Imajući u vidu navedeno, kompleksnost pitanja i procesa vezanih za oblast doniranja organa i transplantacije i složenost zdravstvenog sistema Bosne i Hercegovine, Ministarstvo civilnih poslova BiH će zajedno sa zdravstvenim vlastima u BiH, nastaviti započete aktivnosti u vezi sa praćenjem usklađivanja postojećeg zakonodavstva u oblasti donacije organa i transplantacije na nivou entiteta sa relevantnim direktivama Evropske unije, kao i na daljim razgovorima ka iznalaženju rješenja za poboljšanje pravnog okvira u ovoj oblasti za sve građane Bosne i Hercegovine.**

\* \* \*

Vijeće ministara Bosne i Hercegovine, na 49. sjednici održanoj 8.5.2013. godine, dalo je saglasnost na Odgovor na pitanje koje je postavila Nermina Čemalović, poslanica u Predstavničkom domu Parlamentarne skupštine Bosne i Hercegovine, a kojeg je utvrdilo Ministarstvo civilnih poslova.

Broj: 05-50-1-3736/12

8.5.2013. godine

S a r a j e v o